



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola VI. Pelagii Papae II. Qvae Est Secvnda Ad Episcopos Istriae.

urn:nbn:de:hbz:466:1-15221

trium capitulorum damnationem in quinta Synodo factam approbare & ratam habere) epistolam satis utilem misit, quam beatus Gregorius cum adhuc esset diaconus scripsit. Hæc epistola sancti Pelagii a Gregorio adhuc diacono conscripta, eiusdem plane generis est cuius erat illa beati Leonis decima ad Flauianum scripta; quæ cum epistolæ nomine scripta esset, ob sui amplitudinem atque tractatum tomus dicebatur. Nam & ipsa Pelagii epistola ab ipso sancto Gregorio liber est nuncupata, de quo ad Hibernæ episcopos dum scribit epistola 36. lib. 2. hæc habet: *Vt igitur de tribus capitulis, animis vestris ablata dubietate, posset satisfactio abundanter infundi; librum quem de hac re sancte memorie successor meus Pelagius papa scripsit, vobis utile iudicauit transmittere: quem si posito voluntaria defensionis studio puro vigilante corde volueritis relegere, eum vos per omnia secuturos, & ad unitatem nostram reuersuros nihil minus esse confido.* Quantæ autem esset efficaciam liber iste, ex his quæ mox idem Gregorius subdit intelligere possumus, ubi ait: *Porro si post huius libri lectionem in ea qua estis volueritis deliberatione persistere, sine dubio non rationi operam, sed obstinationi vos dare monstratis.* Hanc epistolam illustrissimus cardinalis Baronius una cum duabus sequentibus eiusdem Pelagii a Nicolo Fabro Parisiensi viro doctissimo accepit.

Cum adhibitum satis bene præparatum pharmacum animis schismaticorum male affectis nihil prodesset, imitatus Pelagium I. aduersus ipsos Smaragdum Italiae exarchum Rauennæ degentem exagitauit: qui haud impigre eosdem coercere aggressus est, nec ceslavit, quoisque depascentem ecclesiam morbum ex iis regionibus, teste Diacono lib. 3. cap. 12. penitus auferret.

E P I S T O L A VI.

P E L A G II P A P Æ II.

QVÆ EST SECVNDA AD EPISCOPOS ISTRIÆ.

*Dilectissimis fratribus Eliæ vel aliis episcopis Istriæ
Pelagius episcopus.*

DILECTIONIS vestræ per eos quos direxisti scripta suscepimus, relectisque his, graui sumus mœrore & dolore perculsi; cum neque his quæ nos vobis scripsimus respondistis, neque, ut fraternalm decuerat caritatem, fidei nostræ satisfactione suscepta ad unitatem ecclesiæ revertendi obedientiam commodasti; postremo nec eos aliter qui venerunt dirigere pertulisti, ut apertissimam lucidissimamque satisfactionem se paterentur accipere: sed scripto nobis quasi capitulare, vel interdictum potius ostenderunt, nihil iniunctum sibi a vobis aliud afferentes,

PELAGII PAPÆ II.

24 nisi ut vestræ tantummodo essent portatores epistolæ. In qua tamen nullam rationis satisfactionem quæfisse vos legitur, sed velut iudicatum quid nobis expressisset, quod quam prauum sit, quam iniustum, patrumque regulis inimicum, si volueritis ad cognitionem veritatis accedere, splendidissime cum diuino auxilio potestis addiscere. Unde nos cum Propheta lacrymabiliter conuenit exclamare: *Obmutui, & humiliatus sum, & filii a bonis, & dolor cordis mei renouatus est.* Renouatus est dolor cordis nostri, quando diurnæ diuisionis scandalum minime tanto fidei fulgore superatur, maxime quia prauorum hominum persuasione decepti, scripta nobis diuersis infecta contagis direxistis: & quod in epistolis patrum quædam testimonia non incongrua solum, sed nec ad causam pertinentia tentasti insinuare: ita ut nec ordinem testimoniorum, qui in ipsis epistolis patrum legitur, seruaretis: quippe ut quod scriptum nomine alterius fuerat, alterius nominis titulo promeretur. In quo euidenter dictum vobis apostolicum constat aptari: *Nescientes neque de quibus dicunt neque de quibus affirmant.*

Quod quidem non vestræ malitiæ vel calliditati credimus adscribendum, sed veneno hostis malignissimi perspicimus exquisitum: qui zizania seminare per visa iræ usque in finem sæculi, in Dei ecclesia non quiescit. Ex quo intelligimus, fraternitatem vestram epistolas, de quibus posuistis testimonia, non legisse: neque enim si vobis eorum scriptura constaret, illa quæ apertissime pro fidei tantummodo causa sunt posita, aliis congruere fingeretis, propter quod ab errore diuisionis, in quem falsis opinib; incidiisti, hortor & opto vos celerius reuocari, & non (sicut scriptum est) iugum cum infidelibus ducere, sed illi iterum iugo mansueta colla submittere, de quo ipse Dominus dicit: Iugum enim meum suave est, & onus meum leue est: quod nullo modo poterit quis vel ferre vel discere, nisi eidem iugo caritatis vinculis fuerit subiugatus, ipsi oneri per dilectionem quippe ut spiritali sarcinæ mentes, humeros, viresque subdiderit. Sicut namque animositas ab scissionis intellectum facit per superbiam colligare, ita recuperata caritatis humilitas mentes in unitate fidei perueranter ad cognitionem veritatis illuminat.

Pro-



Propter quod præsentium portatoribus quos fraternitas vestra direxit, & ex codicibus & ex antiquis polypti-
cis scrinii sanctæ sedis apostolicæ relecta sunt aliqua, qui-
bus euidenter apparet, nihil eorum quæ in vestra posui-
stis epistola causa trium capitulorum conuenire vllate-
nus, aut verisimiliter coaptari. Ideoque necesse est, vos
omnes epistolas synodales solicite vigilanterque percur-
rere, vt euidentius agnoscatis, quia sancti patres nihil
aliud de Calchedonensi Synodo in suis epistolis firmaue-
runt, nisi vt in uiolabilis fidei definitio seruaretur. Nam ad
eamdem Synodus confirmandam beatæ recordationis
prædecessor noster papa Leo scribens, inter alia sic ait :
Ne ergo per malignos interpretes dubitabile videatur,
vtrum quæ in Synodo Calchedonensi per vnanimitatem
vestram de fide statuta sunt approbarim, hæc ad omnes
fratres & coepiscopos nostros, qui prædicto Concilio in-
terfuerunt, scripta direxi, quæ glorioissimus & clemen-
tissimus princeps, sicut poposci, in notitiam vestram mit-
tere pro catholicæ fidei amore dignabitur : vt & frater-
na vniuersitas & omnium fidelium corda cognoscant,
me non solum per fratres qui vicem meam executi sunt,
sed etiam per probationem gestorum synodalium, pro-
priam vobiscum munisse sententiam : in sola videlicet fi-
dei causa, (quod sæpe dicendum) propter quam genera-
le Concilium, & ex præcepto Christianissimorum prin-
cipium, & ex consensu apostolicæ sedis, placuit congregari.

Sed ne forte animis vestris aliqua adhuc videatur
quaestio aut dubietas remanere, apertius quæ ad Maximum
Antiochenæ ecclesiæ antistitem scripsérit pariter curauimus indicare. Post plurima itaque sic ait : Si
quid sane ab his fratribus, quos ad sanctam Synodum
vice mea misi, præter id quod ad causam fidei pertinebat,
gestum esse perhibetur ; nullius erit firmitatis : quia ad
hoc tantum ab apostolica sede directi sunt, vt excisis hæ-
resibus, catholicæ essent fidei defensores. Quidquid e-
nim præter speciales causas synodalium Conciliorum
ad examen episcopale defertur, potest diiudicandi ha-
bere rationem, &c. Ecce, sicut superius dictum est, cog-
noscitis, fratres carissimi, nihil aliud sæpe fatum præ-

Concil. Tom. 13.

D

decessorem nostrum , quam ea quæ de fidei firmitate definita sunt, confirmasse , quod pene in omnibus epistolis eius , si volueritis, plenius potestis cognoscere . Nam priuatæ causæ , quæ illic post definitionem fidei actæ sunt, non solum minime confirmauit, sed & retrahitari atque diiudicari concessit. In encycliis vero (quod est episcopalium collectio literarum, ex quibus aliqua in scriptis vestris testimonia incongrue similiter posuitis) vnde mora sit causa, vel quid piæ recordationis Leo imperator per vniuersas prouincias sacerdotibus scriperit consulendo, aut qualiter ab ipsis responsa suscepit, nobis quoque tacentibus, eorum lectione valebitis plenius informari: ut nulla de cetero in vestris cordibus malignæ excogitatio prauitatis locum subreptionis inueniat. Nos enim propter prolixitatem huius epistolæ ordinem causæ ipsius declinauimus indicare. Nam si cum studio caritatis, quæ a nobis scribuntur, cum timore Domini solite vigilanterque relegetis: facile sentietis, quantum sit periculum pro superfluis quæstionibus, & hæreticorum defensione capitulorum, tamdiu ab vniuersali ecclesia segregari.

Nolite ergo amore iactantiæ, quæ superbiæ semper est proxima, in obstinationis vitio permanere: quando in die iudicii nullus vestrum excusare se valeat: & neque Theodorus Mopsuestinæ, neque Ibæ epistola, quæ ab aduersariis est prolata, ante tribunal tanti iudicis vobis valeat subuenire. Doctori itaque gentium pareamus, qui in prima ad Corinthios epistola dicit: *Emulamini charismata meliora, & adhuc excellentiorem viam vobis demonstro.* Quæ ergo maiora sint, & a se demonststranda promittat, ex ipsius voce audiamus intentius. *Si linguis hominum loquar & angelorum, caritatem autem non habeam, factus sum sicut æs sonans, aut cymbalum timiens.* Et si habuero prophetiam, & nouerim omnia mysteria, & si habuero omnem fidem, ita ut montes transferam, & si distribuero in cibos pauperum omnes facultates meas, & si tradidero corpus meum ut ardeat, caritatem autem non habuero, nihil mibi prodest. & iterum: *Fides, spes, caritas, tria hæc, maior autem his caritas.* Quam igitur ante Dominum poteritis habere fiduciam, quando nullum scandalum generari vobis de fidei nostræ integritate cernentes, tan-

1. Cor. 12.

1. Cor. 13.

Ibidem.

tis temporibus per superfluas quæstiones ab ecclesia Dei, quæ vna est, & a fraterna caritate vos diuidi duratis. Vbi namque sit ecclesia constituta, licet ipsius Domini voce in sancto euangelio sit apertum, quid tamen beatus Augustinus eiusdem dominicae memor sententiae definierit, audiamus. In his namque, ait, esse Dei ecclesiam constitutam, qui sedibus apostolicis per successionem præsulum præsidere noscuntur. Et quicumque ab earumdem sedium se communione vel auctoritate suspenderit, esse in schismate demonstratur. Et post alia: Positus foris, etiamsi pro Christi nomine mortuus fueris, inter membra Christi *. Patere pro Christo, hærens corpori, pugna pro capite. Sed & beatus Cyprianus egregius martyr in libro quem de unitatis nomine titulauit, inter alia sic dicit: Exordium ab unitate proficiscitur: & primatus Petro datur, ut vna Christi ecclesia & cathedra monstretur: & pastores sunt omnes, sed grex unus ostenditur, qui ab apostolis unanimi consensione pascatur. Et post pauca: Hanc ecclesiæ unitatem qui non tenet, tenere se fidem credit? Qui cathedram Petri, super quam ecclesia fundata est, deserit, & resistit, in ecclesia se esse confidit? Item post alia: Ad pacis præmium peruenire non possunt, quia pacem Domini discordia furore ruperunt.

Item ex eodem libro sic ait: Ad sacrificium cum dissensione venientes reuocat ab altari, & iubet prius concordare cum fratre, tunc cum pace redeentes Domino munus offerre: quia nec ad Cain munera respexit Deus: neque enim habere Dominum pacatum poterat, qui cum fratre pacem per zeli discordiam non habebat. *Matt. 5.* Quam sibi igitur pacem promittunt inimici fratrum? Quæ sacrificia celebrare se credunt æmuli sacerdotum? Secum esse Christum cum colleæti fuerint opinantur, hi qui extra ecclesiæ colliguntur? Tales etiam si occisi in confessione nominis fuerint, macula ista nec sanguine abluitur. Inexpialis & grauis culpa discordia nec passione purgatur. Esse martyr non potest, qui in ecclesia non est: ad regnum peruenire non poterit, qui eam quæ regnatura est derelinquit. Et post alia: Cum Deo manere non possunt, qui esse in ecclesia Dei unanimiter noluerunt: ardeant licet flammis & ignibus traditi, vel obiecti bestiis animas

*Genes. 4.**Concil. Tom. 13.*

D ij

suas ponant: non erit illa fidei corona, sed pœna perfidiae: nec religiosæ virtutis exitus glorioſus, sed desperationis interitus: occidi talis potest, coronari non potest.

Item eiusdem: An esse sibi cum Christo videtur, qui aduersus sacerdotes Christi facit? qui se a clereius & plebis societate fecernit? Arma ille contra Deum portat, contra Dei dispositionem repugnat: hostis altaris aduersus sacrificium Christi rebellis, pro fide perfidus, pro religione sacrilegus, inobsequens feruuus, filius impius, frater inimicus, contemptis episcopis & Dei sacerdotibus derelictis, constituere audet aliud altare. Item cuius supra: Peius schismatis crimen est, quam quod hi qui sacrificauerunt: qui tamen in pœnitentia criminis constituti Dominum plenis satisfactionibus deprecantur. Hic ecclesia queritur & rogatur, illic ecclesiæ repugnatur. Hic potest necessitas fuisse, illic voluntas tenetur in scelere. Hic qui lapsus est, sibi tantum nocuit, illic qui haeresim vel schisma facere conatur, multos secum trahendo decepit. Hic animæ vnius est damnum, illic periculum plurimorum. Certe se peccasse hic intelligit & lamentatur & plangit, ille tumens in peccato suo, & ipsis sibi delictis placens, a matre filios segregat, oues a pastore solicitat, Dei sacramenta disturbat, & cum lapsus semel peccauerit, ille quotidie peccat. Postremo lapsus martyrium postmodum consecutus potest regni promissa percipere: ille si extra ecclesiam fuerit occisus, ad ecclesiæ non potest præmia peruenire.

Item qui supra: Quod si in scripturis sanctis frequenter & vbiique disciplina præcipitur, & fundamentum religionis a fidei obseruatione ac timore proficiuntur, quid cupidius appetere, quid magis velle ac tenere nos conuenit, quam ut radicibus fortius fixis, & domiciliis nostris super petræ robustæ mole solidatis, inconcussi ad procellas ac turbines sæculi stemus, ut ad Dei munera per diuina præcepta venire possimus?

Et ideo hortamur dilectionem vestram, & obsecramus, vt tam terribilia patrum testimonia cognoscentes, nullo modo patiamini vterius in diuisione ecclesiæ persistere? sed in viscera sanctæ matris catholicæ atque apostolicæ regredi tota mentis intentione * celerate: vt *accelerate

radicati in caritate vnitatis atque fundati dicere mereamur: *Ecce quam bonum & quam iucundum, habitare fratres in unum: veraciter exclamantes: Repletum est gaudio os nostrum,* Psal. 132.
& lingua nostra exultatione. Quibus breuiore quidem stylo, Psal. 125.
abundanti tamen caritate responsis, & de fraternitatis vestrae mentibus: & de diuinæ misericordiæ virtute confidimus, vos sanctæ citius reformari indubitanter ecclesiam. Si tamen pro nostris adhuc delictis aliquid inimicus animorum vobis obstinationis (quod absit) aut dubietatis intulerit, secundū quod interlocutio nostra gestorum apud nos habitorū suprema complectitur, & sicut excellentissimo domino filio nostro Smaragdo exarcho Italiam supplicare curauimus: instrutas huc ad nos personas, quibus facilius reddenda recipiendaque sit ratio, mittere festinate, vt nulla deinceps consensus vestri dubetas supersit, aut tarditas, si eis satisfactio plena reddatur. Vel si hoc pro longinquitate locorum, vel temporum qualitate pauescitis, illuc Rauennæ fiat congregatio sacerdotum, quo nos etiam qui loco nostro intersint, diuinitate propitia, dirigemus, a quibus satisfactionem plenissimam capiatis; ne amplius animæ simplices diuise a sancta ecclesia pro superfluis questionibus tam longa obstinatione remaneant, nec per vos, quos dominici gregis decet esse pastores, oues a septis ecclesiasticis euagantes rapacis lupi dentibus consumantur.

E P I S T O L A VII.

P E L A G I I P A P A E II.

QVÆ EST TERTIA AD ELIAM ET EPISCOPOS ISTRIÆ.

Dilectissimis fratribus Eliæ vel uniuersis episcopis in Istriæ partibus constitutis, Pelagius episcopus.

VIRTVTVM mater caritas, quæ redemptoris sui lucris seruiens, quæ nunquam ea quæ sua sunt querit. *Extat supra in fragmentis Synodi quintæ generalis Constantinopolitanæ II.*

Liber Pela-
gii II. seu
epistola
contra schil-
mata Istric.